



# **Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

98. In itinere scipione viatorio, Cruce supernè munito utitur, Socii Indorum  
Apostoli.

---

---

**Nutzungsbedingungen**

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)



## AMATOR CRUCIFIXI.

*In itinere, scipione Viatorio Cruce superne munito utitur.*

**H**OC fuisse gestamen Apostolorum, ut fuit primorum Societatis JESU Patrum ad Indos se conferentium hinc collige. In vastissimis Paraquariæ Provinciis, quæ sunt in Indiâ Occidentali tantam ubique inter Barbaros memoriam vestigiaque S. Thomæ Apostoli, invenere Patres Societatis JESU, ut dubitari non possit, Apostolum istic olim fuisse. Sed nihil Christianæ religionis illic duraverat, præter famam, Apostolicæ & vaticinationis ab illo prolatae memoriam.

Prædixerat jam tum, post multa sæcula, Sacerdotes sibi in Apostolico munere aliquando successuros, qui eadem, quæ tunc ipse posteros docerent; quique, ut ipse, CRUCES manu gestarent. Visa in manibus Patrum CRUX, quam horum ignari, pro scipione gestabant, & subsequuta Evangelii explicatio, Barbaris fidem fecit, Patres Societatis esse eos, quos Apostolus olim venturos promiserat. Oraculum ipsi à majoribus longâ serie acceperant. Nec vanum commentum esse creditum fuit, cum

per

98.  
SOCII A-  
POSTOLI  
INDORVM.



per disjunctissimas nationes, quas inter nec est, nec esse potuit commercium ab omnibus idem prorsus vaticinium celebraretur.

*Annua Paraquaria 1626. 1627. fol 109. Imago primi Seculi Societatis, lib. 1. cap. 2. p. 63.*

## IX.

## AMATOR CRUCIFIXI

*Amator Crucifixi effigiem secum portat,  
& vesperi in diversorio ante illam  
procumbens humi orat, gratias  
agit, meditatur.*

99.  
ALOYSIVS  
GONZAGA  
Italus.

**V**T in omni parte vitæ expressit  
eximium, **CRUCIFIXI** Amatorem  
**ALOYSIVS GONZAGA**, ita eundem om-  
nibus absolutissimum numeris exhibuit  
in itinere Romam versus, cum Mar-  
chionis titulo, fortunisque abdicatis,  
Societati **JESV** adjungere se cogitaret.  
Multa in hanc rem habet Vitæ Scriptor,  
istud huic loco est proprium.

Vesperi in diversorio, quamvis, quod  
asperrima hiems esset, frigore rigeret,  
numquam tamen se calefaciebat. Sed  
confestim in cubiculum solum se abde-  
bat; atque ibi depromptâ, & ob oculos  
posita **CHRISTI CRUCIFIXI** imagine,  
quam secum deferebat, ad ejus pedes  
jacens duas horas continuò cum **DEO**  
agebat,